



ATASSUT

UPA14/173-1

Gerhardt Petersen

08.05.2014

Issittoq atominik sakkulianik atuiffiunngitsoq pillugu politikkimik suliniuteqaqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut.

(Inuit Ataqatigiit Inatsisartuni gruppianni ilaasortat)

Inuit Ataqatigiit Inatsisartuni gruppianni ilaasortat matumani siunnersuutigaat issittoq atominik sakkulianik atuiffiunngitsoq pillugu politikkimik suliniuteqaqqullugit Naalackersuisut peqquneqassasut.

Inuit Ataqatigiit sioqqullugit Danskit Naalackersuisuisa naalackersuisooqatigiinnermi tungavimmini anguniagassatut siunniuppaat, SF-ikkulli siuttoralugit suliaq ingerlanneqaraluarat nunat tamalaat akornanni, pingaartumik nunat issittumut toqqaannartumik attuumassuteqartut akornanni ataatsimoorsinnaassuseq anguneqarsinnaanngimmat danskit naalackersuisuisa suliniut unitsiinnarpaat.

ATASSUT-mit tungaviumik issittup atominik sakkulianik atuiffiunnginnissaa isumaqataaffigaarput, taamaattorli angusaqarfiumik siunniussaartoqassappat nunat tamalaat akornanni isumaqatigiissusiornissaq aqputissaasoraarput, isumaqaratta nunat ataasiakkaarluta puttussuuttaqattaarnissatsinnit tamanna angusaqarfiunerungaassasoq.

Tamatumalu nunatut ataasiakkaatut iliuuseqarnitsigut siumoortumik isummereersutut inissimatilluta isumaqatigiinniarnit suunngitsumiit pitsaaneruumik angusaqarfiusinnaasutsiarsuit sapangissinnaavagut, taamaammat ATASSUT-mit nunat suleqatigisagut allorissaaqatigineqarnissaat orniginartinnerungaarparput.

Taamatut oqaaseqaateqarluta ATASSUT-mit Naalackersuisut siunnersuummut akissuteqaataat tusaatissatut tiguarput inassutigissavarpullu siunnersuut ilalerneqassanngitsoq.